

拜石山房詞鈔

重刻拜石山房詞敘

兼塘先生吾友許君邁孫少從受詩學者也先生偃蹇乙科沈淪下僚卒以簡書中吏議蕉萃于晚歲懂而得歸竟死于寇有識哀之先生蚤飲香名詩篇深美而閎約五言善者妙絕時人雖登選樓亦亾愧色刻意填詞思旨高迴聲哀厲而彌長又未嘗不折衷柔厚使人識安雅之君子與楊伯夔唱和而清轉華妙反復勝邪先生詞卷近無錫有重刻本皖浙之士求而未過讀者衆老成逝矣遺書如綫邁孫篤念師資手自讐校覆刻于榆園少陵云今茲弟子亦匪盛顏流離頓挫夫有所受觀舞劒器吾且爲邁孫賦之光緒戊子冬仁和

譚獻

敘

詞盛於宋代自姜張以格勝蘇辛以氣勝秦柳以情勝而其派乃分然幽深窅眇語巧則纖跌宕縱橫語暢則淺異曲同工要在各造其極而已辛已歲汪丈白也見示七家詞選獲讀兼塘先生所爲綠秋艸堂詞穆羽均調奇弄迸發深幸竹垞迦陵而後克有嗣音乃駒光勿勿星紀一周良覲未申瑤想時結客冬省視來晚始通警效見其造裏夔遠著語幽微等魂自清鶴影能瘦半面之接得慰乎輞飢一夕之譚若醉乎醕耐坐次出拜石山房詞稟素敘于子予以蟹筍空腹螢燭微明蘭言眇通藻辭奚飾然而芳艸被阪人知其香鳴禽在天眾聞其響流連今昔烏能無言夫意以曲而善託調以杳而彌深始讀之則萬萼春深百色妖露積雪縞地餘霞綺

天一境也再讀之則煙濤瀕洞霜飈飛搖駿馬下坡泳鱗出  
水又一境也卒讀之而皎皎明月僊僊白雲鴻雁高翔隊葉  
如雨不知其何以沖然而澹儻然而遠也至其興遑無際思  
來不窮夜雨紅樓秋風白紵鬢絲禪榻之傷淒迷詩夢歌扇  
舞衫之地振觸酒懷春影鏡中淚痕衫上一聲一咽亦怨亦  
愁卽其變徵之音多益覺幺弦之和寡又況古情橫集遠緒  
孤牽東泝曲江西經隴水南浮吳楚北陟幽燕懷鉛握槩采  
九土之異言接席撫塵交四方之奇士敲殘銅斗擊碎唾壺  
何止賦景蒼茫體物瀏亮爲足拓眼底之屏山酌心頭之井  
水平冷趣相洽清詞載接洗其淫哇濯以藻麗旣昭藐而蕩  
氣亦芬芳而悅魂凡姜張清雋蘇辛豪宕秦柳妍麗固已提  
袂而合唱無俟改弦而更張已僕與先生忝附忘年之交側

聞聲音之道畫苔選譜振籥吹秋顧曲錡閒賞心弦外與之  
味東澤之綺語參石門之香禪雖略解蟲雕頗知狸別當不  
以牛鐸之音詫非同調也道光甲午春仲上元蔡宗茂謹敘

拜石山房詞鈔卷一

無錫顧翰蒹塘著

仁和許增邁孫棨

菩薩蠻

輕陰閣住瀟瀟雨莫教一霎春歸去  
鸞杪小紅樓有人樓上頭  
卷簾人不見放出雙飛燕  
低首自尋思微風動鬢絲

高陽臺

題羽素女兄綠梅影樓填詞圖

折竹敲風幽泉浣雪詞仙合住高樓  
暝坐圍鑪疏香飛過銀鉤  
凍雲一片寒無鶴只苔陰古石痕  
畱傍檐牙瘦影交橫似到羅浮  
圖中依約尋詩路記左芬才調  
妙句頻授鸞底閒吟  
鸞邊艾蒨忘收新詞譜上銀光紙  
問何如綴向釵頭願年

年綠萼開時常侍清游

蘇幕遮

借蘭厓竹畦游澗谿行荷香柳影中數里不絕竹畦  
取摩詰田家詩意作圖余與蘭厓各賦一闋題其上  
上栽桑低種芋擬向谿頭跨箇烏犍去纔聽一聲鳩嬾語煙  
翠濛濛又下如毛雨竹扉斜茅屋古楊柳陰疏更有荷萼  
補水調風吹歌正苦隔巷何人打起青罽鼓

西江月

已過清明挑菜早先穀雨烹茶小桃萼下邗人家會記分錢  
白打遺卻翠鈿何處畫檐低墜松釵喚風晴日可來邪剛  
折秋千一架

湘春夜月

錦樹林訪卞玉京墓

澹斜陽山棱翠未全荒堪念櫻拂葵衫瀟灑道家妝便取玉  
京私諡柰松風樓閣仙夢茫茫看煙橫墓石舊時題字瘦不  
成行鉛華都浣盡問梅邨老去誰擅詞場瘞後名鴛總難  
銷馬鞦春塢一片幽香棠梨暮雨知柔柔恁處淒涼還應勝  
西冷坏土只游塵飛遠不近繡塘

點絳脣

步上苔茵湘帶百褶羅羅水無人結佩自拾蘭皋翠 曲折  
闌干倚後新紅退心如醉熏人鴛氣鴛也扶頭睡

浣谿紗

往事思量總惘然緣何愁緒上眉端五更殘夢最難圓 淺  
色羅衣如紙薄只禁輕暖不禁寒憐他微雨倚闌干



木蘭鸞慢

題金粟道人小象

誰招金粟影，摹繭紙展雅。又羨快意生平，異書奇士，更有名  
琴占取玉峰高處，有蒼蘿窈窕。白雲遮幽沼，曾名春艸小亭  
別署秋華。堪嗟鞦韆馬，洛陽街結客，滿天涯。恁斜日園林，隔  
江烽火，愁聽哀笳未辦。一邱埋骨是青山，到處便爲家。我亦  
櫻鞵桐帽，只應投老煙霞。

南鄉子

秦淮水榭書所見

琴外聽鳴鳩，好座秦淮小畫樓。樓上夕陽樓下水，回頭人約  
疏簾正上鉤。落葉滿銅溝，縱有脂香也不流。應爲玉關霜  
訊早，空侯帶有風沙，出塞愁。

高陽臺

題袁蘭邨少府南園春夢圖

穉柳飄煙香莎濕雨玉絲低牽簾紋賸粉零星東風不返桃  
魂前塵惆悵原如夢怪當年夢也如塵認闌干色退輕朱尙  
帶愁痕 桐廊記得彎環路恁者番重到兀自傷神眉語句  
畱能銷幾箇黃昏綠窗縱守羅衾待怕秦篝冷了餘熏正緗  
枝一點么紅吹過斜門

清平樂

翠陰如埽衰柳長干道扣上綠窗金了鳥總有閒愁飛到  
夫容照影荒渠鏡中蕉萃如余空自朱樓臨水頻年不見雙  
魚

滿庭芳

題汪紫珊太守碧梧山館填詞圖

簾額棲雲窗眉畫暝碧梧未老疏煙新蟬乍蛻嘶斷已涼天  
吹遞一番小雨桐葉影甯上琴絃移竹榻片時支枕隨夢到  
秋邊 俗塵都洗卻惜惜綠暈飛補苔錢看飄來幾葉好替  
蠻牋怪底都霑吟翠溟濛處爲有詞仙閒凝竚西南樓角瞥  
見月初弦

虞美人

書寄伯夔

短屏只畫瀟湘雨屏底涼如許陰陰芳樹綠窺門便是不看  
秋艸也銷魂 未灰心事沈香火獨傍香篝坐秣陵天遠夢  
都無聊寄一行病柳帶蟲書

憶秦娥

等陰淺青琴三尺橫羅薦橫羅薦冰絲未上玉塵一面  
波冷被霜風翦簾前望斷秋無雁秋無雁搗衣聲裏月華如  
練

慶清朝

題葉小鸞疏香閣眉子研拓木

翠帙風吹銖衣月冷碧城人去迢迢小研微凹幾絲猶浣松  
膠句取煙魂一片向綠窗展玩似寒蕉銀鉤字芳名宛在茗  
玉曾瑀 爲念嬋娟多病料生來慧業卽是愁苗暫謫塵寰  
何同寫韻文簫只恐秋蛾蹙損黛螺分影舊痕銷傷情處櫻  
桃零落疏雨瀟瀟

研刻開匱一研櫻桃雨  
潤到清琴第幾弦之句

鵲踏枝

簾額春陰生曉翠一寸銀鉤搖漾如空水春色可憐無可柰

桃萼濃笑楊萼淚 細拾殘香塗粉壘  
學絮春愁燕子何曾  
睡鏡面塵昏如鏡背  
鏡中人影添蕉萃

沁園春

晚虹同蘭厓賦

極目高空暝色蒼然長虹下垂怪蔚藍天上忽連複道琉璃  
雲畔偶倚斜梯雁背風輕鳩邊雨斷卻映遙山翠桁低關心  
處怕春晴畫苑乾到萼泥 才人賦後雌霓竟想縱有知音見  
面稀只纖纖如此畧圍易減慊慊似我渴病難醫一氣香煙  
同心采縷便化秋鸞不隻飛蓬瀛淺只煩伊橫跨不誤幽期  
思佳客

秋日齋居卽事

山閣秋晴葉擁階竹風容易做秋懷  
荒雲一研分泉洗閒做

元和折腳釵 安茶曰度詩牌葵萼香刈作清齋車塵埽斷  
門前迹只許幽人印艸鞵

菩薩蠻

曲院煙光明一片銅溝幾折流清淺涼透薄羅重芭蕉葉葉  
風分來紅影皺細畫銀鈎瘦紈扇不禁秋書成墨亦愁

高陽臺

將游武林畱別楊大春樵

蕭索空囊淒涼短劍東風吹上吳舫小飲離筵春潮綠到津  
亭故人攜手河梁別說歸期輒語丁寧指家山一笠浮空翠  
樹冥冥而今圓合煙湖夢便蘭成身世不怨飄零怕到鱸  
鄉迷離卻又愁醒錢唐好去尋蘇小覆銀沙柳線搓青聽船  
孃欸乃煙歌唱入西泠

夜行船

吹過新煙鸞漸退  
砑羅裙記拖春水  
寂寂屏空  
愔愔琴瘦  
閒了脂箱粉碓  
燕子梁閒  
同夢睡阻  
輕寒一層紗  
外翠被篝香  
銀釭分火  
借與薄烘  
清淚

望湘人

途中寄羽素女兄暨蘭厓竹畦兩弟

望蒼茫暝色淒黯  
暮陰旅愁飛滿  
天際短檠搖煙  
敲帆翦雨  
獨自柁樓斜倚  
荷葉跳珠蒲梢  
戛玉一星星淚  
便荒干芳艸  
如塵何似謝池  
夢裏除是自家  
兄弟料逢迎到  
處也無情  
味作客天涯況  
有誰爲知己  
廡屋苔荒湖田  
石瘦何日方成  
歸計願釣取小  
鯉銜書遠溯浙  
江潮尾

思佳客

湖樓晚眺

不上高樓望眼遮，凭闌今日接天涯。  
新秋雲似羅衣薄，遠水帆如紙筆斜。  
魚任買酒堪賒，湖邊三兩是漁家。  
鷺鷥只戀枯荷葉，不傍前汀紅蓼萼。

高陽臺

爲嚴脩能上舍題西泠載月圖

水碧分雲煙，青畫樹嫩晴初。  
上犀鉤盼到星期，涼萼開了牽牛。  
一箇湖水圓如鏡，說死央近也言愁。  
上睂尖翠冷，吳山澹更宜秋。  
西泠橋外歌船去，羨有人波路載月同游。  
笑折荷衣，幽題象筆會按空齋。  
莫戀藤蘿雨恐斜，枝墜向簪頭。  
君姬脩有簪萼圖，人香溯蘋汀好趁烏篷，莫負紅樓題者甚眾。

虞美人



新秋漫賦

曲廊敲几平鋪簟一水圍三面可憐閒煞好房櫳卻值荷萼  
多病近西風 簷前又上弓弓月晚傍闌干立死央生小忒  
聰明看他水晶眠夢幾時醒

齊天樂

爲華秋槎司馬題北山旅舍圖

寓公門逕幽閒極相鄰段家橋畔屋向猿租樓分鶴住合署  
秋聲山館夕陽紅斷看塔影橫斜倚來天半臯脚初黃打頭  
落葉一巾岸 生涯莫悵飄轉有明湖煙月付與句管接竹  
千竿團焦一笠嵐翠檐閒吹滿蕭疏鬢短勝行旅長途征塵  
未浣水石涼邊畫圖先我占

聲聲慢

余與蘭邨往來白下忽忽一載今夏晤於西湖泊舟  
荷筍中譚讌竟日視夕陽著山額始各分櫂惟念倉  
山伴侶如良甫伯夔皆不在座爲可惜也

葛嶺浮青蘇隄浸碧水鄉小占漚家門外員流柁痕界斷銀  
沙人眠孤山涼雨憶吟朋蒼鬢天涯湖邊路老魚鏡底吹聚  
蘋鴛好浣征衫塵土算睂棱笑展不負年華苦咽冰醪荷  
筒香冷重賒銷得雙鬢低拜旗亭句應勝籠紗催客去恁  
恩歸櫂日斜

百字令

爲郭頻伽題春山蘿玉圖

西泠橋畔記銀蠶曉送左家嬌妹腸斷荒山蘿玉地碧影淺  
分蛾黛雞竹痕斑小桃骨瘦流斷涓涓水春墳依舊蘼蕪吹

上幽翠 是誰生色圖成冥冥煙雨著意添蕉萃香冷冬青  
寒食飯沒箇傷心人拜一片殘碑幾行題字扶起斜陽外  
鵲何恨爲渠染徧紅淚

一萼紅

游理安夜宿山寺讀良甫伯夔壁閒題句松墨蕭散  
自成馨逸渺渺天末賦此奉寄并書示寒石上人

擁層巒有蕭蕭叢竹塵外隱茅庵山氣陰晴煙光朝暮都非  
色相能參且縛取松毛作帶寫新詩石壁埽秋嵐破研鈔經  
短衣拜佛願借禪龕 偏我遲停吟屐悵天涯孤寄閒訪瞿  
曇雲縱無心雪還畱爪故人都在江南聽一夜僧樓涼雨怕  
朝來白髮盈簪敲枕未成幽夢鼓已統統

甘州

倩家弢庵畫辟疆古園圖詞以寄意

悵九龍回首翠模黏門巷隔煙蕪賸荒涼一片亭空無鶴沼  
廢無魚牽蘿補屋未忍別移居燈火天涯夢渺渺愁子當  
日尋詩聽社有縑湘皮閣篔竹分區問叢殘几上畱得幾堆  
書寫數筆湖山秋意便蕭疏何必倩倪迂家風在故園喬木  
好上橫圖

望江南

游餘杭作

餘杭道坐得筍輿過碓紙聲忙流水急縑絲風緊落鸞多相  
望隔煙蘿

微雨歇山氣冷如秋雙箭幽蘭邨女戴一旗新茗估人收門  
巷總清幽

分明畫一幅  
輞川圖亂石疊牆低  
見屋飛泉接  
筓暗通廚曲  
磴瘦筇扶

行曲折轉過板橋西  
寂歷枯釵松鼠下  
迷濛碧影竹雞啼  
溼翠染人衣

鵲踏枝

題席芍階麗姬小影

偏到鸞朝鸞事改  
小苑春陰黯澹如  
秋黛錦瑟塵空金雁壞  
有人自製名鸞詠  
脂盞睂圖如有待  
窳地簾紋暈上生生  
翠斜日闌干  
應閣淚桃魂縱去  
心香在

湘月

題伯夔與漚爲客圖

浮家計好載筆牀  
茶竈小艇如葉煙  
水茫茫誰是主  
差勝天

涯作客細艣搖雲圓蓬畫雨蘆暝飛秋雪閒漚兩兩相逢何  
必相識 今我久已忘機水天閒話歸去尋篔簹船尾西風  
潮欲上吟瘦一枝黃蘂紫蟹爬沙白魚吹浪網倩婁孛織隨  
他浩蕩江頭豈有離別

浣谿紗

小閣春寒近更添東風輕拍澹紅簾海棠絲外雨廉纖 鎮  
自無言常脈脈未曾有病卻慊慊綠塵飛上水精奩

壺中天

謁蔡中郎祠

叢祠江上認一行飛白題伊爵氏尺土階前甘下拜手薦谿  
頭芳芷書付公孫名遺元歎貌類張平子漢廷卿相憐才畢  
竟誰是 依然千里青青門前艸色知已悲長逝萬卷丹黃

教弱女小謫淒涼身世爨下焦桐亭中椽竹都入傷心史思  
公有淚溼衣多似鉛水

平韵滿江紅

謁曹娥廟

落日停橈正一片寒潮欲來尋黃絹夕陽門外三尺殘碑班  
竹江心紅淚冷幽蘭階下綠霜摧儼明璫翠羽展珠龕低黛  
眉醜椒醕洗銀鬢看畫壁拂麩煤想水精眠夢幽人未歸  
怨曲乍聞蠻柱急靈風先展繡旂開又迴帆撾鼓噪神雅將  
暝催

喝火令

乳燕假香臥嬌鶯坐柳慵一春人在藥煙中小病沈沈殘夢  
又恁恁螺子眉痕減蟬紗鬢影鬆玉壺香唾可憐紅憶汝

闌干倚徧碧玲瓏憶汝春衫瘦骨寒近落鸞風

滿庭芳

竹鑪山房題壁

松雨纔過桐棉尙溼禪扉當畫愔愔迴廊磬折柱礎石苔侵  
彷彿山人圖卷秋堂掩分外幽深還疑是夢中會到屐齒又  
重尋僧寮岑寂處看青如罨畫綠愛眠琴況九龍排闥嵐  
氣微陰怪有煙痕飛白脩篁裏驚起鳴禽須聽取泉浮蟹眼  
瓦銚煮秋聲

醉江月

夫容湖舟中

波平岸迴看秋漪皺玉鱗鱗吹起好向水香多處住柔艣一  
枝搖曳柳拂斜絲蘋浮嫩葉綠罽吳船尾輕帆分暝疑從鏡



裏飛遞 晚風吹上涼潮三篙新漲小雨生沙背惹起閒漚  
明似玉點破半湖煙水一角疏林幾圍矮屋指點魚鰕市笊  
簪挂處夕陽尙映芳沚

解連環

憶舊游寄伯夔

涼萼露帶早一匳秋意西風驚碎記舊時同訪迴塘正演瀆  
菱絲綠牽沙尾短篷曾吟破滿湖空翠賸似曾識我拍  
拍輕漚遠渚飛至 漁邨有許風味那浮家舊券莫便輕棄  
問幾時重返江鄉載詩卷漁筒扁舟煙水彈指湖山能銷得  
幾番吟醉且須看荒干柳色者般瘦矣

一萼紅

題友人林屋吹笙圖

對清尊說故園林岫到處隔風塵橋袖團香松篁寫翠曾攜  
絕世幽人不怕天寒裏薄炙銀簧正好傷朱脣小凭檀肩微  
聞蘭氣一响溫存 七十二峯遙望似髻鬢低亞眉黛初皺  
蒼鶴書遲青鸞鏡掩可憐窈窕層雲昔日高煙石屋題字在  
招否舊吟魂只恐蕭蕭也愁易近黃昏

南樓令

湖上探梅

橋接路三叉蒼寒水洗沙疏翠墨點棲雅微雪忽明松外  
間吹幾片玉梅萼 纖手整金釵看簪綠萼華而今身寄梵  
王家折向幽龕先供佛銅盞插一枝斜

思佳客

春日出游

雨過郊原綠漸蘇，不辭蠟屐破平蕪。  
人家處處炊煙起，浮出春山翠一觚。  
乾鵲噪乳鳩呼如聞好鳥喚，提壺青帘挂在垂楊裏，不識邨中有酒無。

前調

艸軟沙平未覺遙，滿谿春漲不通潮。  
差差水似羅裙褶，莫試吳孃快剪刀。  
編竹柵架藤橋籬門三面碧，周遭一堆細浪吹飈，婢正值牆頭墮餅桃。

木蘭萼慢

碧社湖阻風有懷楊二子山

水天思舊侶，移短懼泊煙汀，聊寄贈蘋萼。  
明漪照影冷到秋心，賸有幾枝垂柳，傷離亭，猶解結淒陰。  
只合孤蓬獨宿，有誰並舸聯吟。  
鄉音倦客怕遙聽，又值酒初醒，記夫容湖上漚。

沙似雪蟹火如星倚柁自吹橫  
遠看蕭蕭落葉下吳陵何日  
雞頭菱角尊前一笑相迎

前調

湖光銷黯漁火未涼復拈是解寄同里諸子

扁舟乘一葉潮欲上水平湖正天氣初霜蒹葭搖落沙雁相  
呼除是同盟漚鷺便相逢誰念客情孤卻望家山船尾夜痕  
似有疑無田廬少日感離居殘葉滿荒渠約幾時結屋長  
竿放鼻短艇叉魚燈火蓬窗暝寫愛古人笠澤有叢書何處  
漁謳相答鄉園隱隱愁予

憶舊游

過蘆區

趁潮荒淺瀨雪換涼漪來賃江船自挂孤帆去聽浪籌堆裏

打槩聲圓一路叢蘆蕭瑟秋夢渺無邊有幾縷魚雲幾絲漚  
雨閣住遙天飄零舊詞賦悵帶醉閒吟孤負華年莫話淒  
涼意似病蟬無力猶唱離筵贏得鬢邊衰綠歸染六橋煙只  
同我銷魂後湖官柳疏可憐

虞美人

深秋閨意

淒淒涼涼月如煙白午夜樓陰直遠山如黛拂殘螺玉雁天高  
簾角近秋河鵲鑪火冷灰盈寸自抱頗黎枕下階蘭葉謝  
枯香今夜新寒羅袂有微霜

買陂塘

咏牽牛粵

近斜河一窠分種疏粵澹處堪愛過牆竹尾誰家院扶上絲

絲秋翠添嫵媚看風露涓涓疑泣星妃淚涼宵破睡問翡翠  
樓高蔚藍天遠幽夢幾時墜香痕瘦不似芳蘭可佩憐渠  
秀蔓都脆綠珠碧玉宜相伴更許青蘿爲妹佳耦在聽絡緯  
蕭蕭上有蟲孃配籬根任采和瓜蒂輕黃豆鴛微紫浸取洗  
頭水

俗以七夕采百粵浸  
水名爲織女洗頭

喝火令

秋夜聞雁

小坐拋紈扇疏簾上玉鉤碧天雲影夜悠悠試問銀河何事  
不東流少睡偏多夢無聊便有愁一繩新雁正橫秋記得  
艣枝搖過白蘋洲記得十三箏柱人在小紅樓

壺中天

過鶯脰湖

曉雲橫浦寫江天數筆都成秋意渺渺空波浮去櫂十里明  
漪吹起淺水生蒲疏煙畫柳小艇秋陰裏涼潮一尺柁痕拖  
過沙尾 何時去學天隨蓴鱸鰕菜料理閒生計青紵門前  
飄酒字好典綠蓑重貫水鶴孤眠雪漚獨立款我扁舟樣  
開玉鏡吳山大好煙髻

買陂塘

伯夔邀食鮮荔支同蘭厓賦

問何來閩南珍品今朝得伴尊俎瘴雲蠶雨三千里幾日邊  
城飛度晶盤貯看圓比鮫胎應與珠同母楓亭遺譜真膜似  
綃輕膚疑玉潤香氣勝薜萄 休頻道此是側生嘉樹深閨  
恐有人妒榴房酸子知多少無限緋衣醋醋時伯夔謀置側  
室故戲語及之  
風味足叶便齒病添些爲爾拚淒楚海山風露想蠻女銀釵

煙林摘取翠籠盛無數

滿庭芳

題清微道人空山聽雨圖

細雨如絲輕陰如夢  
瀟瀟聲下銅溝涼侵竹徑  
餘潤逼香禱  
已是梅萼再世餐冰雪  
占得清幽還重向團蒲禮佛  
更乞一生修  
人閒當此夕聽芭蕉窗外  
欲睡還休  
只情根難懺入  
耳都愁誰似空山岑寂  
伴閒雲暝色高樓銀鈎  
小書成貝葉  
圓暈落鐙篝

鵲踏枝

題握蘭小影

扣扣羅襦情早定  
香夢纔溫只是愁他醒  
嗚鳩催歸先有信  
落萼風裏箏弦緊  
張泌妝樓重記省  
三尺簾波移卻青鸞



鏡只有煙痕吹不盡  
絲絲綠似吳孃鬢

渡江雲

邗江舟次

一尊京口酒詞人終古蕭瑟例江關  
此行真萬里西上黃河  
何日唱刀鐔蕪城有賦多情甚莫倚危闌  
重回首夕陽樓角  
無限好睂山難刪多少纏綿有病葉娟  
鵲舊時庭院人乍  
去剛逢春社燕子飛還帶圍自減衣  
棧厚浣征塵酒暈香癡  
增惆悵十年如此青衫

浣谿紗

題友人邗江送別圖

咽斷銀簫倍黯然二分明月幾時圓  
睂樓昨夜有唳鵲芳  
艸如煙迷別浦柳絲似夢澹斜川  
春風回首渡江船

憶舊游

寒食日道出桃源風雨淒其荒原蕭索洵斷魂時節  
也隄上偶見桃枝皆著蓓蕾如紅豆因念故園風景  
牆角小桃應已爛漫矣眷懷舊游忽忽成夢爲賦此

解

正涼鐙破曉瘦鐸吟風乍展山程一片荒沙白柰過江芳艸  
只長愁根待續天涯殘夢野鳥喚行人怕折取鞭絲幾株官  
柳栖上征塵關心好時節把杏酪香餠孤負良辰粲乳如  
紅豆判桃鬢嬌小淒斷春魂誰令寒城景物吹暝入煙痕且  
請訊江南故園貯得春幾分

壺中天

題潘朗齋師填詞圖

春風象管笑區區摹仿蘇豪柳賦一寸袖中蘭畹彙刻畫銀  
鉤蠶尾橋本吹簫步名邀遂總是栽筭地海苔牋小拂時都  
帶香氣 堪念騎省清才江南水閣領略閒風味減字偷聲  
重按拍詞律研來較細竹翠按涼梅茵坐暝只倩紅紅記天  
然秀句風流付與仙吏

風入松

龍城官署卽事

簾鉤敲響玉丁冬惆悵舊房櫳一牀班管閒無用畫湘山十  
二屏風淚點纔滋竹色愁根又長蘭叢 雪衣應悔語言工  
終日掩雕籠傷心不及鳩呼婦在樓西綠樹陰中檢得飛鴛  
一片倚闌細咽殘紅

浣谿紗

茶煙

掃得秋聲葉擁爐煙絲又裊晚晴初窗紋簾影半模糊  
攏入不嫌琴氣冷扶來卻愛竹風疏夕陽樓閣畫難摹

聲聲慢

雨夜

殘沙瘞翠折篠枯聲暮雲一片遙遮冷雨如潮陰陰不隔窗  
紗添成十分清苦稱今年此夕天涯上簾衣碎白淒迷落盡  
蘿篔忽訝河流吹到聽波濤喧枕淺欲平階佛閣無鐘麗  
譙鼓已三擲蕭邑相傳鐘鳴則黃河水益故無鐘聲短燭爲誰飄淚照征人夢  
裏還家聽未得聽蕭蕭先愁鬢華

拜石山房詞鈔卷一

拜石山房詞鈔卷二

無錫顧翰兼塘著

仁和許增邁孫柔

賀新涼

停車浦上信步入野寺中見壁間畫竹題我有小亭  
深竹裏不如歸去聽秋聲之句

袞袞紅塵起卸征鞵夕陽古道天涯行李野綠入門修竹合  
隙少一袈裟地換滿壁翛翛涼意若果山僧秋許乞貯秋聲  
一片行囊底看畫幃比香偈悠悠人海身如寄問他年閒  
園半繭何時料理聽雨聽風聽未足更聽濤聲萬里便歸去  
征衫重洗蘿屋三閒亭四角好深深築向蒼煙裏人世事付  
凭几

聲聲慢

真州夜泊

小橋斜日斷浦西風柳絲只綰愁陰翠影浮眉山尖石塔煙  
橫好把短蓑兌酒檣孤篷莫趁郵程夕陽路人家隔嫩收起  
魚罾莫悵寒漪千里且輕裝歸去不負初盟漚夢近來圓  
未瘦遂吹醒似有濛濛雪意漾銀沙一片空明蘆絮外正江  
船涼白上鐙

鵲踏枝

船泊邵伯湖有懷秦朗山

憶昔津門同伴去襪被舟中一見心相許衰柳枯荷圍斷墅  
催詩只聽迴帆鼓爲訪江頭曾泊處水驛叢祠依舊藏雅  
樹少箇篷窗人共語翦鐙自聽瀟瀟雨

臨江仙

潤州舟次

黯澹江雲天欲暝，海門催上新潮。佛狸城外買輕剡，便無風起已涌浪，鸞高。今夜壚頭拚爛醉，薄寒可典青袍。酒樓紅影一燈搖，打篷落葉，又誤兩瀟瀟。

國香慢

題吳餘山小梅華庵圖冊

鶴老江城聽蕭蕭，煙話似帶潮音。

餘山久客揚州

書巢結來如斗綠。

上蘿陰自做六時清課，有新詩樹底閒吟，鸞圍佛廬小，只恐微熏破了禪心。落枝多綴玉，論蕭疏鬢短，總不宜簪寒雲滿眼。故園芳訊銷沈，空戀二分明月，惹殘香染徧羅襟。荒庵堪再葺，一權蘋汀好，遂幽尋。



聲聲慢

秋雨庵夜坐

窗縈蛛網壁篆蝸涎苔痕印上迴闌爲借琉璃佛火獨坐更  
殘堪憐抱煙倦鶴向西風似我衣單簾影外綠堆松髻疑繞  
家山 欲問天涯消息柰愁吟酸楚身寄江干小雨流雲空  
榻半住新寒吹下井梧敗葉掩閒門如聽驚湍秋竹杪浸冰  
魂涼月一丸

風入松

清綺詩堂題壁

綺琴三尺玉絲長十載奏清商離人心似當風葉怕蕭蕭易  
近秋涼衣補一方慘綠簪抽幾點吳霜 家書函後墨斜行  
色淺蠟分黃短屏圍處深深坐愛圖中活脫江鄉擬戴圓煙

笠子酒船擢入楓香

水龍吟

鄭湛若天風吹夜泉研

是誰繭足幽荒一圭製出新蕉尾麋丸欲試當時瘴墨幾絲  
猶賦天籟如暗秋泉暗蓄玉沙難洗想翩翩英妙美人帳下  
編赤雅分行記 定其奇香十賚伴瑤琴同來福地詩成脫  
手弓衣繡徧撞鸞隊裏會侍牙旂李波小妹石能言未料沈  
湘去後一雙鴿鴒淚如鉛水

臺城路

題陳松泉煙雨歸耕圖

道場山色橫圖裏天涯不如歸好杏蓓椰頭桑稊陌上簫鼓  
社公迎到催耕噓了正雨後泥鬆一犁春曉茅屋炊煙早先

初日上林杪。何須買田陽羨有百弓。下吳始種秔稻水碓  
聲。忙纜車風緊。我記苕谿幽樾相逢。休笑做識字農夫。儘堪  
終老楊柳陰中。飯香黃犢飽。

浣谿紗

題西湖載酒圖

百頃風漪鏡面寬。水心亭子曲闌干。鸞時細雨不多寒。昔  
日湖山如畫裏。而今眞向畫中看。何年重上四宜船。

虞美人

秋夜書所見

夜靜隔簷聞步履。似見亭亭立。風鬟霧鬢是邪非。只恐木犀  
香露溼秋衣。檐前墜下梧桐葉。心性由來怯。月明如水水  
還空。嬌影翩然何處覓。鷺鷥鳴。

湘春夜月

題龍女牧羊圖

海山低白煙幾點依微  
鷺見雨族驅來水霧溼綃衣  
欲折珊瑚鞭起柰凝雲不動  
艸碧淒迷縱方諸作鏡紅妝  
慘澹嫁便須噉  
風鬟看綽約簪抽涼玉怨  
比湘纍羅韞淺波又誰如  
水精眠夢謠詠蛾眉鱗鱗  
魚媵恁龍堂難寄書  
回待緘就珍珠密字  
悵洞庭霜樹舊日寒閨

浣谿紗

感舊

手卷疏簾上玉鉤  
林園過雨似新秋  
生綃團扇綠衣襟  
未便背人通一語  
如何竟去不回頭  
隔粵微見眼波流  
水榭風來度暗香  
蓮鴛漏滴玉壺涼  
夜深多少睡死央  
脈

脈芳心含豆蔻遲遲纖手遞檳榔而今始悔不能狂  
粉吧猶堪認舊題那拚溝水各東西羅帶怕染落鸞泥芳  
艸無情三月算翠鴉多病一春噓蜀江愁黯碧玻璃  
淒絕空廊子夜歌華年錦瑟悔蹉跎依然照壁舊銅荷  
篋裏衣裳渾未澣班班圓暈在秋羅淚痕應比酒痕多

鵲踏枝

巖九脩能臥病梁谿隱几東郭其壻鄉也藥鑪經卷  
病亦不惡余適歸自邗江脩能以詞柬余念西泠舊  
游蕉萃婉篤余亦浪迹淮海頗不自聊有不能已於  
中者爲賦此闕以荅其意

白舫青尊游冶伴多少閒情付與閒歌管煙水西泠春夢斷  
羅襟怕惹飛鸞感小病經年風景換煮藥香中簾子垂垂

暗一樣飄零塵路倦鬢絲試較誰長短

木蘭粵慢

送脩能歸苕谿

艸堂詩未就人將去酒初中怪分手今番粵前雁後直恁  
恩買得輕舟載夢挂斜帆卻趁試鐙風何處悠揚水蘆新愁  
吹滿眉峰 相逢盡道帶圍鬆惆悵向來工料玉孃湖上梅  
緘香坼要綴釵叢謂君婿人香脩兩地情絲牽惹算春蠶也是可憐  
蟲我擬浮家苕霅暮伊煙水清空

鵲踏枝

元旦

旭日初晴光照牖帖子宜春吉語新書就不願積金高至斗  
一年好事詩千首 竹要平安粵要壽竹北粵南人與天長

久折得梅枝香在手金尊勸飲屠蘇酒

減字木蘭萼

春光有幾一半春過春病裏睡起無聊乍許凭闌酒力銷  
落紅幽院那得愁人腸不斷艸艸年華纔見梅萼又棟萼

百字令

萼朝

恨乏千金與羣芳爲壽盈尊且飲擬倩仙人殷七七齊把春  
魂催醒杏靨纔勻桃鬟尙小最薄梅萼命冰霜摧挫冷香枝  
上飛盡 此後墮溷飄茵升沈未卜天意高難問要得玉人  
親手折須傷紅樓開近若說裁詩憑伊作骨也有吾儕分朱  
旛低護風姨莫便吹損

烏夜啼

春去太慙慙恨重重料想落鵝不共水流東  
湘簾下銀鈎  
挂舊房櫳拾得殘絨一縷可憐紅

月華清

題子山孤山載鶴圖

淺澈沙明平橋波闊短橈何處輕檣涼月粼粼吹皺一匳煙  
水倩吳孃蕩入明漪人坐玉壺心裏閒倚只白漚三兩恐教  
驚起 無限生涯蕉萃待寫向湖天別饒幽思蘆葉蕭蕭飛  
上一襟吟翠喚林逋雪夜詩魂攜倦鶴與秋同載無寐聽蒼  
洲遺譜蘧聲吹碎

百字令

秋陰

淒陰一片向遙空閣住欲晴還未秋到無光眞慘澹盼斷夕



陽天際低坐昏雅高飛新雁都沒蒼煙裏鼓樓那角暮愁又被催起 若論遠近關河沈沈如夢愁也難迴避惟有江船吹篷去老我鱸鄉橘里縹緲雲沙溟濛水竹覓句敲帆底釀成蕭瑟黃昏雨又來矣

風入松

寄良甫

人間流落庾蘭成詞賦怨飄零濛濛煙樹冥冥水隔江南第幾層城豪氣銷磨劍鼻客塵堆上衣棱 小窗一角貯秋深寒意夜飄鐙階前落葉風吹聚柰蕭蕭總帶離聲料得倚樓長邃淒其今夜吟情

臺城路

帆影

晴漪十里明如鏡一痕低度雲影晚色模黏波光澹沲畫出  
湖天離恨危橋路近看葦隱青疏蓼迷紅冷水國寒添飛來  
葉葉墮幽暝夫容湖上茅屋浮家何日遂終老漁隱柁尾  
拖煙桅梢倚月伴我蓬窗孤凭江天風靜正沙渚陰陰昏雅  
斜趁暗拂涼莎不教溼夢醒

前調

艣聲

西風人去郵亭算離心先被吹遠小艇鳴榔孤篷颭遂送入  
疏鶯古蘆橫塘夜半惹煙外淒音更添幽怨歛乃吳歌船孃  
羅袖倚窗倦斷魂何處行客幾回敲枕聽愁臥江館水竹  
敲詩蒼蘆夏夢涼雁一聲驚喚漁邨酒幔正乙乙搖來十分  
清輓櫂入楓橋好隨江路轉

清平樂

秋夜闈意

迴廊悄悄簾月疑秋曉幾朵涼鸞如鈿小倒挂收香么鳥  
無言獨上西樓窗前斜倚秦箏今夜銅壺清漏聲聲滴在心  
頭

漁家傲

舟泊太湖望洞庭諸山

暝色空蒼雲欲化遙峰歷歷如殘畫低映山莊秋樹罇新紅  
亞橋枝染出吳霜下 聖女祠堂何處也蕭蕭應有風吹瓦  
星斗高寒煙燒怕鄰船話前頭帆影如奔馬

一萼紅

艮甫買舟來越晤於湖樓絲雨迷天移尊酒相對各

賦一闋以慰旅懷

傍斜門隔幾行斷柳秋水坐移尊誰省湖邊蒼茫煙樹無聊  
還有詞人看一葉飛來小艇向波心雙槳蕩漪淪細雨如絲  
輕陰似墨又近黃昏莫著浮名相累把等閒歌吹換了征  
塵夕社盟寒鱸鄉夢杳天涯秋已平分看沙渚蘆花嫩白比  
西風鬢影帶愁痕江潭路任教蕭瑟休愴吟魂

調金門

秋宵有憶

銅鋪闔月色乍移窗格透過清輝方一冊稜稜如界畫 砧  
杵誰家巷陌簫管誰家第宅隔著銀牆疑不隔夜涼等影白

沁園春

爲李白樓題寇白門小象

手石山房詩集卷二  
匹馬歸來非俠客，邪嬋娟美人看絲絲鬢影。蟬紗微側，纖纖  
眉樣螺黛猶皺紅豆。裁詩黃紵入道，舊院荒涼若箇存。秦淮  
路說寇孃重見，無限銷魂。不須懊惱，前塵算朱邸難忘舊。  
主恩念江山此際，初經劫火樓臺當日重認。巢痕夜月丁簾  
春風甲帳瘦到香桃病，幾分添惆悵。只一行疏柳白下斜門。  
鵲踏枝

吳江舟次

竟日移舟，昏影外蟹舍魚莊。江景偏瀟灑，浪說秋風歸計。遂  
蒹蘆上市無錢買。柳絮飄零終不悔，化作浮萍萍又隨流。  
水只有圓荷珠露墜，分明畫出青衫淚。

高陽臺

過下邳

艸艸離亭勞勞行客和愁歇上征鞏山額棲雲宛然恨鎖習  
端人煙寥落逃亾後有蘆簾竹屋家近河干偷閒門野水無  
漚直恁荒寒 故侯斷碣尋銀字想當年圯下黃石書傳臥  
柳蕭疏矮橋橫泊漁船雅軍圍處偏成陣畫斜陽醉墨初乾  
更催人涼暝沙頭添倍淒然

思佳客

綠樹陰中閉畫門敲斜金雁一筇塵烏絲格子紅絲研小字  
雙鉤仿洛神 香乍熟酒微溫滿簾鸞氣作黃昏西南樓角  
纖纖月認是吳孃指甲痕

滿庭芳

梨萼落盡好夢難成悵望空枝感而有作

竹檻愁煙蘭橈染露小紅亭子依然牆東一樹不見粉嬋娟

記得迷藏粵底到深宵  
忘了春寒湘簾外絕無人影十二曲  
闌干 風前播鬢改向華嚴劫後重問情禪  
看綠陰陰地悟到前緣彈指韶華有幾好  
春暉都付嗁鶻畱題在淚痕猶溼不共墨痕乾

百字令

重過碧社湖感舊

烏蓬當日記閒盟  
漚侶會問幽浦十畝疏香爭透水  
隔斷南湖煙渡翠帔相扶  
紅衣欲蛻單舸尋秋路  
明蟬墮影滿身都染清露  
那便夢隔雲波魚莊蟹簍零落  
今如許不信繁華容易散  
只有寒潮今古髡柳荒橋枯荷廢苑  
野壘西風語何年此地一蓑來臥煙雨

思君怨

感白門舊游借伯夔同賦

記得玉纖送酒春色梨渦先透簾影月西斜未還家  
贏得小窗孤悶依舊碧綃香潤蠟淚滿金銅是愁紅

同作

楊夔生 伯夔

記得襖裙翻酒暝傷香篝熏透容易夕陽斜  
素嬾家 幾日薄陰愁悶不是新晴清潤秋錦小房  
權雁來紅

百字令

爲楊二子山題雪豔圖

素春亭閣記斜柯綴玉夜雲吹白曾共闌干俛絳袖一寸苔  
枝同折明月前身春風舊恨合住梅萼國卷簾人獨滿襟都  
浣涼雪 無言小仁迴廊半鬢香霧樹底亭亭立遮莫人閒  
風露冷幽怨玉清淪謫瘦影搖鏡澹香浮夢休更吹橫蘂恐



教驚起一雙翠羽清絕

虞美人

泛舟秦淮

闌干十二雕青玉搖漾晴漪綠夕陽江閣嫩涼添兩岸人家  
齊上水明簾笙歌一隊歸來早白袷俱年少揚粵飛作滿  
湖煙斜趁東風亂撲酒人船

渡江雲

燕子磯

蒼茫江月墮推蓬看危石聳孤屏渾疑江燕立下瞰風濤得  
勢欲飛鳴崖根插水巉削處靜影亭亭晴翠溼飛來煙外如  
雨滴吳舫淒清微波彭夏四舫無言料舟人未醒攜鐵篴  
波濤深處且學龍吟空江多少精靈睡只漁歌唱出前汀吹

嫋嫋餘音遠破空明

虞美人

信步入圓覺寺

打頭策策鳴黃葉野曠西風急亂雅歸去翅翎紅只爲夕陽  
猶在最高峰 意行差喜僧廬近衰艸埋幽徑寺樓敲倒已  
無鐘賸有一枝白塔兩三松

瑞鶴仙

游棲霞山寺

雨餘靚埽脩肩影雲根幾多逋峭浮藍樹古搖青竹短疏煙  
籠罩寺門深窈問可有俗塵吹到正危峰梳翎小鶴雪羽墮  
松杪 引我煙霞想如此湖山棲遲真好僧歸甚處裏紅衣  
踏來殘照畫出秋聲儼一幘荆關幽橐又吟蟬墜響似磬答

遠嘯

謁金門

霜月冷落葉亂捎銀井天末雁行飛不整秋聲先到枕  
漏點漸添淒哽鑪火漸留餘燼開得釭等長一寸歸期應有準  
望湘人

秋夜閨意

碧梧陰新蟾瞪目只昵人一點覷破幽暝雲母窗深水明簾  
薄送過半庭鸞影畫菊單衣星前小伶滿襟秋冷下苔階熱  
罷心香金鼻更添宮餅試看絡角斜河恁鴻飛不到久沈  
芳訊書儻能傳畢竟天涯還近隔院吹簫誰家擣練併入西  
風一陣且消停烏鵲雙棲索性待他睡穩

賣鸞聲

簾外玉鉤敲簾底無聊怪他燕子不歸巢如此畫梁棲便得  
何忍輕拋 薄命是天桃昨日今朝護鸞旂子不多高卻被  
秋于紅素影罨上香梢

國香慢

蘇隄晚歸

嵐翠爛斑恁幽汀水色不起微瀾只賸幾株疏柳瘦綠堪攀  
知了一聲飛去看夕陽冷到沙灣逼真古圖畫塔指黃妃霜  
葉初殷 沿隄歸路晚問逋仙何許放鶴應還高人長往卻  
好喚做孤山比似當年西子澹妝梳綰出煙鬟誰解佩璫贈  
月上松梢碧玉鸞環

西江月

由拳道中

儘有市聲吹到卻無塵土飛來一谿曲折抱城隈都是鮮鶯  
活水沙暝初聞蛤吹日長又被蟬催驛亭依舊柳絲垂添  
得幾分蛾翠

百字令

石城憶舊

載愁滿艇恁今番惆悵不堪言別一樣石城橋畔柳寸寸柔  
絲吹碧細葛裁衫輕羅製扇割得秋波色漁歌唱晚倚闌猶  
想橫蘂縱教曲港通潮文鱗六六怎把魚書覓酒到半醒  
鐙半炮何減曉風殘月昨日江南今朝江北眼底山重疊無  
情流水爲誰終夜嗚咽

前調

舟泊瓜步書寄春樵並羽素女兄

鄉關咫尺怪恩恩別後有愁難寄江上丹楓如舊識款我天涯行李殘月沈山縣星墮水宿雁驚飛起蕭蕭落葉滿蓬都是秋意堪羨漁弟漁兄敲鉤結網舟泊蘆花裏偏我船艙形影隻夢也有頭無尾郭外砧聲樓中燈火今夜眠猶未料應屈指計程三百餘里

河傳

江頭夜泊

江影秋暝傷沙汀向晚扁舟不行渡頭月落潮水平星星漁燈煙外青孤衾冷伴閒漚宿憐幽獨不暝如魚目數巖城夜幾更聽聽碧雲低雁聲

鵲橋仙

伯夔以織女機絲圖屬題圖以白羅爲地被以絨繡

五色昭爛神光奕奕然閩中所製物也

月高鈿瓦星斜珠網梧葉乍催幽暝明河澹澹欲生煙看遙  
天碧分秋鏡 香羅好翦采絲細擘繡罷綠窗風靜夜闌  
底拜靈妃乞鴛機一梭雲影

買陂塘

偕伯夔暨秦蘭臺州牧游邵邨

帶平林眉痕淺碧吳山無此清遠斜行白鳥低飛去界破僧  
衣一片秋思換怪巾履蕭蕭閒卻蒲葵扇彎環徑轉看三兩  
人家竹籬茅舍也有酒帘颭 迴谿畔覆屋蘿萼短短涼陰  
十畝先占當窗試凭烏皮几忘了北風雲漢陂水暝正大芋  
高荷漲綠新來滿紅塵隔斷只疏柳明邊夕陽漏影一角冷

金糝

風入松

借伯夔露坐有黃葉一片墮紈扇上

秋光似水漾闌干團扇約新寒亭皋句好渾難畫天涯恨吹  
上疏紈堪愛額黃顏色可憐不在睂端 林梢一片下琤然  
誰刻小琅玕分明纔著蟲絲裏向風前又誤輕蟬會記楓江  
夜泊蕭蕭聲滿吳船

青玉案

范陽城南有邱一成野萼倒垂綺扇罨澹如釵如旒  
余與伯夔往游每采歸以供栝案伯夔詞先成余亦  
繼作

故園門徑荒煙隔依舊是城南陌何必海棠鄰院乞斷垣殘  
螿鬢鬢撩眼也自爭紅白 幽香無主誰收拾算有今番秋



士識莫向瓦瓶傷脆折昏昏野氣艸蟲聲裏多少愁顏色

原作

楊夔生

斜陽脈脈含哀麗  
正人唱旗亭裏猶憶少年游  
冷地燕昏鶯曉上津門外萬點淒涼淚  
織羅只把離騷記誤認  
先生蘭有蕙冷落疏煙圍斷墅  
江淹賦後東風多恨吹碎愁根蒂

登樓怨

登范陽城樓西風乍涼  
落葉如雨不禁有王粲  
依人之感歸度此曲以寫旅懷

亂山圍古堞向暮蟬聲裏  
獨自登樓葉葉西風故園無此涼  
秋幾叢遠樹牛毛細有煙痕  
綠翦雙眸更淒然似水斜陽併  
入寒流舊游空記省在幽篁  
仙嶺落木邗溝渺渺平沙天

涯底事句畱多年成壘銷兵火聽哀笳尙帶邊愁最無膠城  
角孤琴相見回頭

生查子

小院又秋風落葉敲窗紙蠹葉有蟲書應篆相思字 粉破  
淚成行不斷如鉛水滴著海棠琴立見愁紅死

虞美人

燭盡樺皮香不活曉色傷心白竹風吹做十分秋添得一聲  
征雁墮高樓 幾回敲枕長宵度殘漏分明數錦衾裏了尙  
寒侵月苦霜濃天杪有人行

買陂塘

過邯鄲題盧生祠壁

傷叢祠夕陽繫馬紛然落葉堪埽羨伊一霎曹騰裏凡劫銷

完艸艸應冷笑看門外征車十丈紅塵繞朱顏易稿任螳國  
功名鹿墮身世都向夢中老 長安道想汝青衫潦倒秋風  
失意歸早麟洲小水還無分何況方壺蓬島鬢枕好何借我  
游仙便算開懷抱三山縹緲說丹竈難尋黃梁易熟努力且  
餐飽

百字令

過漳河訪銅雀臺遺址

寒沙一色訪銅臺遺址但餘荒翠薤火鄴城無片瓦不道離  
宮都改橫槊詩豪捉刀氣猛可有雄心在分香賣履柔情也  
自如水 當年百戰山河金戈鐵馬久已無殘壘千古英風  
淘洗盡何況春深蛾黛隴樹西斜漳流東去鬱鬱聞歌吹迴  
潮幽咽望陵幾許清淚

踏莎行

咸陽旅次寄懷夢湘弟

渺渺征途行行且住  
羈愁挂在咸陽樹  
對牀已抱十年心  
無如此夜相思苦  
悵望刀環遙聞砧杵  
長安也憶嬌兒女  
揮鞭已過霸陵橋  
翦燈只夢巴山雨

南歌子

咸陽旅舍

樹底西窗暗  
山頭北斗橫  
烏烏畫角動高城  
認是誰家玉燧  
又飛聲  
夜月秦宮鏡  
秋風漢殿箏  
淒涼懷古不勝情  
杳杳長空塞雁更南征

齊天樂

劍閣

縈紆蜀棧羊腸似盤旋亂山堆裏拔地千尋去天一寸長劍  
不知誰倚陰陰雲氣幸塞少丸泥稍通行李眾綠爭門溼衣  
空翠冷如洗 孟陽銘尙在否料殘碑橫臥難更扶起驢背  
裝輕牛腰卷大得似詩人也未悲風天際聽鈴語郎當如聞  
替戾何必張徽哀弦溪夜理

滿江紅

棧道紀游

山色雄奇竟不屑與秋爭瘦知費了幾多螺黛描來新就怪  
石凹顛藍面鬼老松倔彊蒼髯安更千尋峭壁挂藤蘿蛟蛇  
走 復磴上莓苔厚危棧上闌干朽想補天有隙絲絲猶漏  
絕壑颼颼風出穴層厓蒼鬱雲生竇要圖成須仗大癡哥丹  
青手

疊嶂層巒巴子國竟無平野幾曾見相如負弩公孫躍馬山  
勢爭來朝白帝人煙何處通秦塞只劔門塞得一丸泥堪雄  
霸還不了鶯鶯債說不盡興亡話正子規啼後杜鵑開謝  
古墓殘碑秋雨洗神弦怨曲哀湍瀉更荒邨月黑虎夔藩當  
深夜

一綫陽光何處望天彭井絡只仰見盤空峻棧虹膏斜束瘦  
馬渾如雞上埭勞人盡比猿升木有白雲笑客十分忙巖頭  
宿晴漏滴聲冰玉流水響聲絲竹更千條礪併一條飛瀑  
橫跨石梁龍露背直衝沙觜虬生角喜筒車旋轉疾於風如  
輪速

氈裏繩行算都是陰平古道今纔辨幾峰懸互幾峰通峭嵐  
翠濃於青石髓夕陽澹似紅泥竈看一鞭轉過茂林來穿叢

篠 暝色裏昏雅噪明月裏征鴻叫便三更枕畔還催夢覺  
江上竹枝蠻女曲山頭瓦鼓巴人調怪無端清淚忽霑裳孤  
猿嘯

漁家傲

翠嶂橫空恣晚眺眼前但怪炊煙少寂歷疏松敲晚照歸雅  
噪虎皮牆裏山神廟 一任西風吹破帽那愁曠野逢剽盜  
指點行人喬木杪鈴聲悄蕭蕭匹馬隨飛鳥